

# ՀԱՐՑԱԹԵՐԹ

**1. Ըստ անհրաժեշտության՝ կետերի փոխարեն լրացրո՛ւ համապատասխան տառերը:**  
Հայասա երկրից եմ գալիս, որն ինձ պատգամեց, թե «ինքդ քեզ հա՛յ ասա», իսկ դա մարդկության հնագույն օ.....աններից մեկն է աշխար...ում:

Նաիրի երկրից եմ գալիս՝ անսանձ գետերի ինքնիշխան երկրից, և Բիայնա երկրից, որտեղ բեր...եր էի կառուցում և փորագրում Եր...անի ծննդյան սեպագիր վկայականը:

Սևանա լճից եմ գալիս, որտեղ Արգիշտի արքա...ի խնջույ...ների համար որսում էի այն արքա...ական ձուկը, որի վրա իմ ցեղի արյան հետքերը կային դրոշ...ված:

Տիգրանակերտից եմ գալիս, ուր ամուր դրեցի երեք ծովի ջրերով ողողվող իմ հզոր պետության գահը:

Սասնա բար...րիկ սարերից եմ գալիս, որտեղ անըն...մեջ պայքարելիս ապավինեցի հեք...թին ու հրաշքին՝ գառնարա... Դավթի կայծակ սրով դուրս վ...նդելով իմ հողից թշնամու անհամար զորքը:

Արագածի լանջերից եմ գալիս, որտեղից մի օր սանձեցի տիեզերական ճառագայթների կապույտ նծույ...ը, և Բյուրականից, որտեղ զր.....ցի եմ նստում հեռավոր մոլորակների ու աստղերի հետ:

Որտեղի՛ց ասես, որ չեմ գալիս ես՝ հավեր...ող հայ ազգս: Ահա թե ով եմ ես:

**2. Շարադրանքից դո՛ւրս գրիր հետևյալ բառերի հոմանիշները՝ կազմելով հոմանշային զույգեր.**

ծննդավայր, ամրոց, խրախճանք, ավանդել, ոսոխ, հնազանդեցնել, անկախ, վտարել

**3. Շարադրանքից դո՛ւրս գրիր հետևյալ բառերի հականիշները՝ կազմելով հականշային զույգեր.**

անուժ, ավերել, հրավիրել, մերձակա, նորօրյա

**4. Շարադրանքից դո՛ւրս գրիր շեշտափոխական հնչյունափոխությամբ կազմված 7 բառ կամ բառաձև՝ փակագծերում գրելով արմատի կամ հիմքի անհնչյունափոխ տարբերակը:** Օրինակ՝ *իջնել (էջ)*:

**5. Շարադրանքից դո՛ւրս գրիր 8 տարբեր ածանցներով մեկական բառ՝ ամեն ածանցով կազմելով ևս մեկ բառ:**

**6. Շարադրանքից դո՛ւրս գրիր 6 բարդ կամ բարդ ածանցավոր բառ:**

**7. Շարադրանքից դո՛ւրս գրիր հետևյալ իմաստներն ունեցող բառերը. 1. «հույսը դնել մեկի կամ մի բանի վրա», 2. «հեծնելու ընտիր ձի»:**

8. Շարադրանքում տեղ գտած պարզ բառերից ու արմատներից 6-ը որպես վերջնաբաղադրիչ օգտագործելով՝ կազմի՛ր դրանցով 1-ական այնպիսի՝ բազմավանկ բառեր, որոնց հոգնակին կազմվում է *-էր* վերջավորությամբ: Օրինակ՝ *խաղալիք – սկզբնախաղեր*:

9. Շարադրանքից դո՛ւրս գրի՛ր 3 այնպիսի գոյականներ, որոնք կարող ես դարձնել բայեր: Օրինակ՝ *քար > քարանայ*:

10. Շարադրանքից դո՛ւրս գրի՛ր 5 անկանոն բայ:

11. Շարադրանքից դո՛ւրս գրի՛ր 5 անկախ դերբայ (ոչ ձևաբայ):

12. Շարադրանքից դո՛ւրս գրի՛ր դերանվանական հոլովման ենթարկվող 5 բառ:

13. Շարադրանքից դո՛ւրս գրի՛ր չեզոք սեռի 5 բայ:

14. Գրի՛ր շարադրություն՝ «Մարդու բնավորության ամենակարևոր գիծը՝ վերնագրով (1 – 1,5 էջ):

## Հասկոթոշիչ

Հարցարանը կազմված է 14 առաջադրանքից, որոնք վերաբերում են 5-7-րդ դասարաններում հայոց լեզվից անցած նյութերին: Հարցարանի առավելագույն միավորը 100 է:

**1-ին** առաջադրանքի առավելագույն միավորը 10 է, որից ամեն սխալի կամ լուծման բացակայության համար հանվում է 1 միավոր: Լուծումներն են՝ *օրրան, աշխարհում, բերդեր, Երևան, արքայի, խնջույքներ, արքայական, դրոշմված, բարձրիկ, անընդմեջ, հեքիաթ, գառնարած, վոնդել, նծույզը, գրույց, հավերժող:*

**2-րդ** առաջադրանքի առավելագույն միավորը 8 է, որից ամեն սխալի կամ լուծման բացակայության համար հանվում է 1 միավոր: Լուծումներն են՝ ծննդավայր – *օրրան*, ամրոց – *բերդ*, խրախճանք – *խնջույք*, ավանդել – *պատգամել*, ոսոխ – *թշնամի*, հնագանդեցնել – *սանձել*, անկախ – *ինքնիշխան*, վտարել – *վոնդել:*

**3-րդ** առաջադրանքի առավելագույն միավորը 5 է, որից ամեն սխալի կամ լուծման բացակայության համար հանվում է 1 միավոր: Լուծումներն են՝ անուժ – *հզոր*, ավերել – *կառուցել*, հրավիրել – *վոնդել*, մերձակա – *հեռավոր*, նորօրյա – *հնագույն:*

**4-րդ** առաջադրանքի առավելագույն միավորը 7 է, որից ամեն սխալի կամ լուծման բացակայության համար հանվում է 1 միավոր: Հնարավոր լուծումներն են՝ *երկրից (երկիր), մարդկություն (մարդիկ), հնագույն (հին), օրրան (օրոր), մեկ (միակ), ինքնիշխան (ինքրն), կառուցել (կառույց), փորագրել (գիր), ծննդյան (ծնունդ (ծին)), լճից (լիճ), դրեցի (դիր), ջրեր (ջուր), բարձրիկ (բարձր), ապավինել (ապավեն), գառնարած (գառրն), Դավթի (Դավիթ), սրով (սուր), գրույց (գուր), նստել (նիստ), աստղեր (աստրղ):*

**5-րդ** առաջադրանքի առավելագույն միավորը 8 է, որից ամեն սխալի կամ լուծման բացակայության համար հանվում է 1 միավոր: Հնարավոր լուծումներն են՝ *մարդկություն, հնա-գույն, օրր-ան, մեկ (մի-ակ), ան-սանձ, ինքնիշխ-ան, կառ-ույց-ել, ծն-ունդ, վկայ+ական, խնջ-ույք, արքայ+ական, հետ-ք, պետ-ություն, բարձր-իկ, ան-ընդ-մեջ, հրաշ-ք, կայծ-ակ, ան-համար, գոր-ք, տիեզեր-ական, ճառագ-այթ, Բյուր-ական, գր+ույց, հեռ-ավոր, մոլ-որ-ակ:*

**6-րդ** առաջադրանքի առավելագույն միավորը 6 է, որից ամեն սխալի կամ լուծման բացակայության համար հանվում է 1 միավոր: Հնարավոր լուծումներն են՝ *ինքն-իշխան, փոր-ա-գր-ել, սեպ-ա-գիր, որ-տեղ, Տիգրան-ա-կերտ, գառն-արած, տի-եզեր-ական:*

**7-րդ** առաջադրանքի առավելագույն միավորը 2 է, որից ամեն սխալի կամ լուծման բացակայության համար հանվում է 1 միավոր: Լուծումներն են՝ *ապավինել, նծույզ:*

**8-րդ** առաջադրանքի առավելագույն միավորը 6 է, որից ամեն սխալի կամ լուծման բացակայության համար հանվում է 1 միավոր: Հնարավոր լուծումներից են՝ *սփյուռքահայեր, ամենահներ, տասնմեկեր, ձիասանձեր, ձորագետեր, նստատեղեր,*

*միջնաբերդեր, վերնագրեր, սառցալճեր, արջառուեր, ազնվացեղեր, ոտնահետքեր, սառցածովեր, անձրևաջրեր, գյուղապետեր, արքայազահեր, ամենաբարձրեր, որսասարեր, մանրակայծեր, խաղասարեր, վարելահողեր, հեծելագորքեր, լեռնալանջեր, աշխատօրեր, գետեզրեր, կքանիստեր, գիսաստղեր:*

**9-րդ** առաջադրանքի առավելագույն միավորը 3 է, որից ամեն սխալի կամ լուծման բացակայության համար հանվում է 1 միավոր: Հնարավոր լուծումներն են՝ *հայանալ, բերդանալ, սեպագրել, լճանալ, արքայանալ, ձկանալ, ցեղել, արյունել, ծովանալ, ջրել, սարանալ, հեքիաթանալ, կայծակել, սրել, հողել, թշնամանալ, ճառագայթել, նժույգել, զրուցել, աստղանալ, ազգանալ:*

**10-րդ** առաջադրանքի առավելագույն միավորը 5 է, որից ամեն սխալի կամ լուծման բացակայության համար հանվում է 1 միավոր: Լուծումներն են՝ *է, գալ, ասել, կամ (լինել), դնել:*

**11-րդ** առաջադրանքի առավելագույն միավորը 5 է, որից ամեն սխալի կամ լուծման բացակայության համար հանվում է 1 միավոր: Լուծումներն են՝ *դրոշմված, ողողվող, պայքարելիս, վոնդելով, հավերժող:*

**12-րդ** առաջադրանքի առավելագույն միավորը 5 է, որից ամեն սխալի կամ լուծման բացակայության համար հանվում է 1 միավոր: Լուծումներն են՝ *ես, դու, ինքք, դա, ով:*

**13-րդ** առաջադրանքի առավելագույն միավորը 5 է, որից ամեն սխալի կամ լուծման բացակայության համար հանվում է 1 միավոր: Հնարավոր լուծումներն են՝ *է, գալ, կամ (լինել), պայքարել, ապավինել, նստել, հավերժել:*

**14-րդ** առաջադրանքի առավելագույն միավորը 25 է, որից 6-ը տրվում է հետաքրքիր մտահղացման ու ստեղծագործական լուծման, 5-ը՝ հարուստ բառապաշարի, 5-ը՝ տրամաբանական, ոճական ու քերականական անթերիության, 5-ը՝ ուղղագրական անսխալության, 4-ը՝ կետադրական անսխալության համար: Ամեն մի ոճական, տրամաբանական թերության, քերականական, կետադրական սխալի համար հանվում է 0,5 միավոր, ուղղագրական ամեն սխալի համար՝ 1 միավոր՝ մինչև տվյալ տեսակին հատկացված միավորների սպառվելը:

Բոլոր առաջադրանքներից հավաքված միավորների ընդհանուր գումարը պետք է բաժանել 5-ի՝ համապատասխանեցնելու համար գնահատման 20-միավորանոց համակարգին:

Օրինակ՝  $9+8+3+5+6+5+0+5+1+3+4+3+4+22=78:5=15,6\approx 16$  միավոր: